



SAOPŠTENJE ZA MEDIJE

Smanjimo količinu vatrenog oružja, ako već nije kasno?!

Sarajevo, 11.08.2023. godine

U nepuna dva mjeseca na području Tuzlanskog kantona desila su se tri stravična događaja koji su uključivali upotrebu vatrenog oružja. Prvi događaj je teško ranjavanje nastavnika Osnovne škole Lukavac Grad 14. juna od maloljetnog lica. Drugi događaj je jučerašnje samoubistvo mlađeg muškarca koje se desilo u Lakavcu, u prostorijama banke. BiH, ali i region, danas je šokirala vijest da je muškarac u Gradačcu ubio tri osobe i isti toliki broj ranio, dok je ubistvo svoje supruge počinio prenoseći ga uživo putem Instagrama.

Ovi događaji definitivno pozivaju na urgentnu reakciju svih nadležnih vlasti, ali i čitavog društva, na problematiku vatrenog oružja, tj. njegovog posjedovanja, nabavke i (zlo)upotrebe.

Shodno tome, Centar za sigurnosne studije poziva vlasti u BiH da hitno poduzmu konkretne korake vezane za prisutvo oružja u našem okruženju, posebno onog u ilegalnom posjedu građana. Samo sistemskim i sveobuhvatnim mjerama moguće je unaprijediti sigurnost građana u društvu, a jedna od urgentnih mjera bi se svakako trebala odnositi i na pokretanje pravnih radnji protiv administratora društvenih mreža koji su svojim neprimjerenim objavama u cilju gledanosti i posjećenosti, odnosno sticanja profita, dodatno uznemirili javnost.

Centar za sigurnosne studije upućuje iskreno saučešće porodicama i prijateljima stradalih u ovim nemilim događajima.

S poštovanjem,

dr. sc. Denis Hadžović
predsjednik Centra za sigurnosne studije

